



**Erasmi a Chokier Tractatus iurisdictionis ordinariae in
exemptos, illorumque exemptione ab ordinaria
iurisdictione**

in duos tomos distinct.

Quo Praeter Varias Ac pervtiles Additionibus praecipuis & in foro
potissimum occurrentibus Tomi primi Quaestionibus annexas, etiam S.
Rotae Romanae Decisiones Novissimae De Eadem materia editae, &
singulari studio selectae continentur - Hac postrema editione
praecedentibus duobus Tomis primum additus

Chokier, Érasme de

Coloniae Agr., 1684

Ad Quæst. 50. Addtio.

[urn:nbn:de:hbz:466:1-61921](https://nbn-resolving.org/urn:nbn:de:hbz:466:1-61921)

acquiescentia juxta Gloss. celebrem in l. Qui luminibus de servit. rustic. prad. Rota decis. 310. num. 2. & 3. par. 2. & coram Merino decis. 106. num. 8. & seqq. & nuper fuit dictum in Novariens. Parochialium 13. currentis mensis. §. vel dicta observantia, coram me. attentis maximè verbis supra relatis ibi: quamdiu Conservatores non elegerint, coram ordinario conveniantur, quæ videntur omnem præscriptionem suspendere ac conditionalem reddere Ordinariorum jurisdictionem, quo casu nec etiam applicantur termini præscriptionis immemorabilis Cyriac. controvers. 667. num. 27. Rota in recent. decis. 410. num. 29. par. 9. & censuit Sacra Congregatio Concilii sub die 18. Septembris 1627.

Secunda, quod adversus regulares requiratur Centenaria, & quod stante mutua communicatione privilegiorum inter religiones, privilegium concessum ordini per non usum etiam longitemporis non amittatur, ut latè firmavit Rota in Januens. privilegii coram Royas decis. 327. num. 8. confirmata in recent. decis. 337. numer. 22. par. 10. & apud Pasqual. quest. canonic. 339. num. 22. 30. & 45. cent. 4.

Decreta vero Sacre Congregationis Concilii nuper emanata in causa Algaren. jurisdictionis, quæ pariter à D. Archiepiscopo objiciebantur, potius videntur suppone rebus eligendi Conservatores, dum ab eorum sententiis tam in causis manifestæ injuriæ, quam in aliis appellationem admittunt: Et ita utraque parte informante &c.

Ad Quæst. 50. Additio.

Quoad quætionem, an lex usu non recepta liget, opinio negativa, quam tenet D. Auditor hoc loco num. 8. & seqq. ethi probabiliter à pluribus defendatur, contraria tamen affirmativa verior & communior videtur, nempe legem sufficienter promulgatam obligare sine populi acceptatione, quæ ad ejus substantiam non requiritur, ita Hostien. in c. Treugas nu. 7. de treug. & pace. Cardin. in proem. Clement. verbo Universitati in 2. quæst. Silvest. verb. Lex quæst. 6. & post alios Suarez de legib. lib. 3. cap. 19. Layman. in Theol. mor. lib. 1. tract. 4. cap. 3. num. 1. plenè Eagnan. in d. cap. Treugas à num. 48. & istam opinionem probavit Rota coram Caval. decis. 77. nu. 3. & seqq. & in recent. decis. 356. num. 7. & 8. par. 1. & decis. 260. num. 15. par. 17. in quibus etiam habes, qualiter contra constitutiones Ecclesiasticas introduci possit contrarius usus.

Proximè ad materiam nostram quæritur, an privilegia exemptionum, quæ hodie conceduntur à Papa, semper intelligi debeant secundum terminos Concilii Tridentini, nisi in illis specificè eidem fuerit derogatum: affirmativam sequitur Auditor

Auctor hic numer. 33. Ceterum contrariam negativam tenet Fagnan. in cap. 10 parte numer. 25. & 26. de privileg. ubi resolvit privilegium exemptionis à Sixto V. concessum Referendariis Apostolicis non restringi ad terminos Concilii, ut falleret tantum exempti sint ab ordinariis procedentibus jure ordinario, sed etiam ab ordinariis procedentibus jure delegato. Specialitatis ratio inter Concilium Tridentinum & alia Concilia generalia ea est, quod in hoc expressè legitur præservata auctoritas Papæ, in aliis tacitè tantum. Concordat Rota decis. 179. numer. 6. part. recent. & decis. 259. num. 9. par. 7.

DECISIO LXII.

Constitutiones Papæ promulgatæ, an tollantur per non usum aut contrarium usum, & qualiter contra illas currat præscriptio.

R.P.D. CAVALERIO.

Romana Concordiæ.

Veneris 13. Novembris 1609.

SUMMARIUM.

- 1 Dicitio nisi precedente negativa affirmat in exceptis.
- 2 Effectivatio requiritur ad hoc, ut jura & constitutiones ligent & probent.
- 3 Constitutio Papa promulgata non tollitur per non usum vel contrarium usum, nisi data scientia & tolerantia pape.
- 4 Observantia non est de forma sub-
- stantiali constitutionum Papæ.
- 5 Præscriptio contra constitutionem principis non inducitur, nisi sit immemorabilis, & spatio 40. annorum.
- 6 Consuetudo in præjudicium tertii non inducitur, nisi parte citata secundum eam fuerit obtentum in judicio.
- 7 Præscriptio non inducitur stante mala fide.

Dubium

Handwritten notes in the left margin, including "K. E. F." and "1609".

Inter impresas Cavalerii decisio 77